

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. XIV. de Remediis Accusationi subsidiariis.

[urn:nbn:de:hbz:466:1-74413](#)

cum, qui antè pœnitentia finem absolutus est, eam perficere & eum qui ob falsam expositionem aut sine causa absolutus est, proExcommunicato haberi.

Si Regula 1. detur extensio necessaria, sex priores Exceptiones sibi subjectas continebit: sic ergo concipienda erat: *Absolutio restituit in statum pristinum, si integra, libera, data cum causa, & ex vero expositione, denique absoluta sit.* Quippe Exceptio 1. sumitur à Casu, quo Absolutio non est integra; 2. à Casu, quo est coacta; 3. à Casu, quo veritas dissimulata fuit; 4. à Casu, quo causa justa caret; 5. à Casu, quo datur sub conditione fistendi coram Superiori, cuius vice Absolutio datur; 6. à Casu, quo ante peractam pœnitentiam quis absolutus est.

Exceptio VII. sumpta ex eo quod infamia post Absolutionem subsistat, infra convertitur in *Regulam VIII.* à quā excipitur casus, quo Absolutio datur per restitutionem in integrum.

OBSERVATIONES IN CAP. XIV. DE REMEDIIS ACCUSATIONI SUBSIDIARIIS.

Tria numerat Autor; scilicet 1. Notorietatem, quam tribuit Judicii jus procedendi ex officio, & locum habet cum crimen ita notum est, ut nullā tergiversatione celari possit: à Regula excipit casum, quo crimen publicā tantum famā evulgatum est, & eum, quo defensioni locus est; sed Exceptionum nomen his casibus non convenit, qui Regula sunt genuinae consecutiones, cum in illis crimen non sit notorium. Quod addit, videtur aequius; scilicet, cum de notorietae disceptari possit, oportere eam discuti, & de controversiā statui: ut enim observat *CANISIUS DE ACCUSAT.* quamvis Homicidium coram universa Plebe aut numerosa patratum fuerit, fieri potest, ut non sit criminosum, aut minus sit, quam videtur; quia forte involuntarium est, propter necessitatem tueri vita sua: ad Officium itaque Judicis pertinet, ut discutiat id, quod velut notorium proponit.

Alia duo remedia subsidiaria sunt Inquisitio, cui fama prævia esse debet; & Denuntiatio, qua necessaria non est, clamante famâ, qua vicem Accusatoris gerit. Autor à Denuntiatione exorsus, observat, esse casus, in quibus inadmissibilis est, sive ratione Denuntiatoris, qui est vel infamis, aut excommunicatus, aut facinorosus, aut denunciati inimicus: sive ratione factorum eam precedentium; qualis esset conspiratio Denuntiatorum in denuntiatio: sive ratione denuntiati. v. gr. cum bonâ famâ commendatus est, & irreprehensibilis habetur, singulis divisionis membris exempla subjicere debuisset, ut mox praestitimus. Cum juxta *CANISTUM*, triplex sit Denuntiatio, nempe *Civilis*, qua siebat per Officialem publicum ad hoc præpositum; *Canonica*, quâ Inferiores adversus Superiores utuntur; *Evangelica*, qua adhibetur in delictis occultis. Autor hac distinctione omisſa, incertos Lectores facit, de quâ Denuntiatione loquatur. Itaque a divisione Denuntiationis exordiri debuisset, quantacumque sit hujus connexio cum Inquisitione; ab ea segregare debuisset id, quod dicit de denuntiante & denuntiato in *Questionibus* sequentibus circa Inquisitionem, quam dividere debuisset in *Generalem & Particularē*, ut distinguenter ea, quæ unicuique particularia sunt: v. gr. Inquisitioni *Particulari* speciale est, ut fiat in Personas determinatas, famolas, & rumore publico criminis alicuius accusatas; ut iis communicentur capita, de quibus inquirendum est adversus eas; ut Inquisitioni interfint; reprobetur testimonium omnium, qui iis suspecti sunt, ut inquiri fas sit adversus eos, quoties agitur de sceleribus atrocibus, de quibus inquirere licet ex sola confessione unius e sociis contra alios, quos criminis consciens & participes afferit. Huic etiam Inquisitioni peculiare est, ut, licet denuntiatus bonam famam habuerit, ad eam opponendam non nisi initio ad-

mittatur, neque etiam, si crimen confessus sit: ad eam quoque pertinet, ut contra Prælatum denuntiatum inquiri non possit, nisi prater diffamationem scandalum aut scandali periculum sit. Haec observationes partim ab Autore, partim à *CANISIO* desumptæ sunt. Quoad Inquisitionem *Generalem*, illa ad omne delicti genus extenditur. Judicis Officium est eam, prout expedire duxerit, facere; illa viam ad Particularem sternit.

Inter REGULAS *QUESTIONIS V.* de modo inquirendi, multa Testes respiciunt, & pertinent ad Tractatum de *Judicis & probationem per Testes*. Plures quoque ex ipsis, *Regularium* nomine digna non sunt, sive quia ad Casus Particulares duntaxat pertinent; sive quia loca solū indicant, in quibus Argumentum tractatur. His tribus remedii subsidiariis Accusationis, Autor subiicit Purgationem, qua locum habet cum accusatis, aut denuntiatis, contrâ quem Inquisitio facta est, justâ oneratur suspicione criminis, cuius convinci nequit, aut vitii infamantis, quod probari non potest.

Regula hac juxta ipsum *Septem* patitur *Exceptiones*, quarum tamen plures sunt inutiles, quia excluduntur à Regula: tales sunt 1. ea, in quâ suspicio non est fundata; 2. quæ crimen notorium excipit, à Regula disertè exclusum; 3. *Quinta*, qua excipit casum, quo deest Accusator; sufficit autem juxta Regulam, ut sit Denuntiatio, aut Inquisitio. 4. *Sexta* sumpta ex defectu natalium, qui unum est ex virtutis diffamantibus in Regula comprehensis; 5. *Septima* nam Monialis accusari & denuntiari, fierique adversus eam inquisitio potest probationibus convincingibus non repertis, & proinde subjetat Regula; 6. *Ottava* sumpta ex eo quod Persona ultrò purgationem non offert: nam purgatio necessaria est, ut docet *REGULA I. Questionis V.* Quod dicit in *Quarta* de Purgatione Vulgari, poscebat, ut initium sumeret à divisione Purgationis, in / *Vulgarem & Canonicanam*, atque observaret, primam ab Ecclesiâ Universalis reprobata semper fuisse, ut criminosa, ideoque nullam ipsius habendam esse rationem.

Quod dicit in *Tertia*, pendente lite, Purgationi non esse locum, disertè continetur in *Regula*, quia antè finem processus, non apparet Reum non posse convinci, quamvis contra eum probables existant suspiciones.

Ratio Exceptionis *Quarta*, scilicet, si Reus jam purgatus fuerit; sumi potest ex eo, quod per hanc purgationem apparuit, illum ab illata culpâ immunem esse. Quod diximus modo de Purgatione, acceptum est ex *QUEST. I.* qua inscribitur de *Purgationis Casis*.

Quidquid dicitur in *Secunda* circa locum & Personam, coram quâ fieri debet, ad hæc duo rediguntur; 1. fieri debet coram Judice delicti; 2. palam, quæ suspicio, quæ removeri debet, publica est.

Ad unicam Regulam reduci possunt *REGULÆ IX. Questionis III.* de modo Purgationis facienda; nempe ea fieri debet per Jusjurandum Rei, & quinque aut Septem Personarum fide dignarum, quæ jurant de credulitate; Reus autem de veritate. Autor distinguit purgationem per Sacram Communionem à purgatione vulgari, ad quam pertinet, quia Deum tentat, sicut ceteræ hujus generis; cum Servus, ubi agitur de peccato, ejusdem sit conditionis ac liber, excipiens non erat à prohibitione Purgationis vulgaris.

Ratio Regulæ unicæ *Questionis IV.* exponentis id, quod præcedere debet Purgationem, nempe suspensionem ab Officio & Beneficio, sumpta est ex diffamatione, quæ durat usque ad Purgationem, & eò jussiore suspensionem reddit, quod suspectus Purgationem abnuens pro convicto reputatur, *Regula I. Quest. V.* agente de consequentiis Purgationis aut factæ, aut omisæ. Suspensione cessat per Purgationem, quæ

qua restituit in statum pristinum. *Reg. III. ibid.* Cū plures Persona criminis ejusdem suspicione involvuntur, Purgatio ab uno facta aliorum nomine & consenu, eundem effectum, quod ipsos, parit.

Si suspectus monitus, ut suspicione causas prae-
dat, id non praefiterit, iterum suspendi debet juxta
Regulam I. Quæst. II. qua agit de rebus purgationi
affinibus. *Regula II. ibid.* nihil dicit, quod non
contineatur in *Regula I. Quæstionis*; nam crima-
atoria & ea, qua probata sunt, excludunt a purgatione;
cui locus non est, nisi cum crimen probari
nequit.

OBSERVATIONES in CAP. XV. de JUDICIIS PUBLICIS *speciatim sumptis.*

Per Judicia publica Autor hic intelligit Crimina,
quorum alia Capitalia sunt, alia non Capitalia. *Ca-
put* hoc ad Crimina Capitalia pertinet, nempe Cri-
men Læsa Majestatis, Vim publicam, Raptum Mulie-
rum, Homicidium, Adulterium, sub quo Incestum,
Stuprum & Sacilegium complebitur; Falsum, Magiam.

Fusius de quatuor ultimis speciebus differit, quam
de ceteris: indicat Canones de iis loquentes: notat
causas eorum, aut species, effectus, consecutiones,
penas accusationis, quod Judicent & Accusatorem.
Argumentum in *Quæstiones* distribuitur, qua solvun-
tur enumeratione casuum, cum Exceptionibus. Ali-
quando distribuitur in Regulas, qua nihil, præter ca-
sus singulares, continent, sine Exceptionibus.

LÆSÆ MAJESTATIS.

De Crimine Læsa Majestatis agens, quinque causas
accusacionis hujus criminis enumerat, nempe conspi-
rationem in Principe, aut in Rem-Publicam; faci-
nus in Magistratum, vel ejus Officiales; rerum Chri-
stianis noxiarum suppeditationem Hostibus Fidei; Ma-
ledictionem in Papam; Contumeliam Principi aut Ma-
gistrati inustam: *Cap. I. de Maledicis* loquitur solum
de casu, quo proferuntur verba Ecclesiæ Romanæ
contumeliosa, nec dicit, hoc crimen ladi Majesta-
tem; pœna, qua crimen ejusmodi punitur, id non pro-
bat, qua nihil aliud est, quam mera suspensio ab Offi-
cio aut Beneficio. Porro, Læsa Majestatis crimen De-
positionem & Excommunicationem meretur; perpe-
ram igitur laudatur hoc *Caput* ad probandum, Male-
dictionem in Papam, Majestatem laderere. *Exceptio* ge-
ralis in gratiam ejus, qui conspirationem & Conspicio
prodit, non est justa, hac enim revelatio a pœna tan-
tum, non vero ab accusatione criminis liberat.
Quæstio II. agens de illis, qui crimine hoc postu-
lari queunt, *Regulæ I.* numerat filios eorum, qui con-
vici & damnati fuerunt; quod locum habet solum er-
gå pœnam: & *Regulæ II.* eum, qui pro damnato ob-
fecrat. *Quæst. III.* quoad pœnas hujus criminis,
remittit ad Canones aut Leges *Quæstione I.* laudatas.
Quæstio IV. indicat solum Textus de Præmiis Delato-
ris loquentes.

VIS PUBLICA, AUT PRIVATA.

Quod dicit de causa hujus Judicii, sub unicâ *Regu-
la* collocari potest; nempe solum Magistratum vi &
coactione uti posse, sive per se ipsum, sive per alios,
atque adversus eum solum, in quem autoritatem ha-
bet. Nihil dicit *Quæst. II.* quod alii culibet criminis
non conveniat: scilicet, punitionem ipsius ad Judicem
Loci pertinere. *Quæst. III.* loquens de pœnis hujus
criminis, indicat Textus, qui illud Excommunicatio-
ne, aut pœnis secularibus afficiunt.

RAPTUS MULIERUM.

De causis hujus Judicii differitur in *Quæstione I.* cu-
jus summa hæc est: is, qui rapit Mulierem, in quam
nullum jus legitimum habet, eaque abutitur, Raptus
reus est, nisi Mulier consenserit; & is, qui ducit vir-

Tom. I.

ginem Deo dicatam, pro Raptore habetur. *Causa ea-
rumque Exceptiones* perspicue aperiuntur, removenturque difficultates. Exceptio *tertia* communis est
omni sceleri Capitali, cuius pœna vitatur, confugiendo ad Ecclesiam.

Quæst. II. *Qui possint hujus criminis postulari?* est extensio Regulæ ad Socios sceleris. In Regulam unicam contrahi possunt tres Regulæ *Quæstionis III. de paenitentiis Raptus*: nempe, Jus Canonicum hoc facinus Excommunicatione, aut Pœnitentiâ solum; Jus vero Civile morte afficit.

REGULA I. Quæst. IV. de consequentiis Raptus, ex-
positione indiget; puella enim rapta, & vim passa,
Corporis Castitatem amittit, salvâ puritate animæ;
itaque falsum est absolutè loquendo, Castitatem
Raptæ non esse ablata, & singuli Textus ab Autore
laudati contrarium probant, quoad Corpus.

Secunda falsa est ex aliquo sensu, ut cernitur initio
Quæst. V. Caus. III. nam Virgines in odium Chri-
stianæ Religionis vim, cui nullatenus consenserint, pas-
sa, meritò superant alias Virgines; duplice coronam
sperare debent: cùm autem S. Leo loco laudato
dicit, eas aliis ad aquare se non debere; id suadet,
ad majorem humilitatem ipsi insinuandam, & eli-
ciendum gemitum super tantâ jacturâ.

Tertia non est vera, nisi in Foro interiori, in quo
Raptor injuriam puelle, crepto ipsius honore infus-
tam, resarcire tenetur; sed falsa est in Foro exteriori,
cùm Leges eum inhabilem faciunt ad ducendam
ejusmodi Mulierem, prohibentque ipsam ac Parentes
eius assensum ad tales nuptias præbere.

HOMICIDIUM.

Hic proponuntur *Regula & Exceptiones* expositione
indigentes, sine quâ falsa aut periculosæ sunt. Agen-
do de causis hujus Judicii, pro Regulâ generali pro-
ponere debuerit, *Quemlibet extrâ casus permisso occi-
denter, huic Judicio obnoxium esse:* tum eos casus re-
tulisset, qui sunt, 1. Casus inculpatæ tutela à Jure Na-
turali approbat. 2. ii, in quibus autoritate publi-
câ fit occisio, v. gr. in Bello, & in administratione
Justitia Criminalis.

Distinguendi erant Casus, in quibus Homicidium
imputatur, quamvis patratum non fuerit; tales sunt.
1. Is, quo quis arma sumpsit & perexit in locum,
ut occideret; 2. Casus Abortus ante animationem
Fœtus procurati; 3. Potionis sterilitatem inducentis.

Distinguendi erant etiam ii, in quibus homicidium
per imprudentiam, aut negligentiam culpabilis pat-
ratrum fuit, quales sunt ii, qui vitari potuissent, si
diligentia necessaria exhibita fuisset.

Denique, distinguendi erant casus, in quibus pec-
cata quædam homicidio comparantur, sive quia ejus
malitiam æquant, sive quia ipsi occasionem præbere
possunt, sive quia præsumptionem parunt, consensus
ei prabitum fuisse, sive quia occiditur anima: tales
sunt, inter alios, qui sequuntur. 1. In quo quis cùm
à morte liberare aliquem potuisset absque suo peri-
culo, non liberat. 2. In quo Fratrem quis odio
habet, aut de illo detrahit, aut in quo malum al-
cui peruidet.

Harum Distinctionum Beneficio variis casus disser-
nuntur, quorum alii sunt vera homicidia, aut flagi-
tiosa, aut inculpata; alii malitiam ejus, aut simili-
tudinem cum eo habent; alii homicidii imputatio-
nem patiuntur. Sic omnes Exceptiones comprehen-
duntur sub Regulis & exponuntur, ita, ut unusquisque
Studioforum Juris eas suo Marte facere, errorem
que vitare possit.

Autor deinde ad *Exceptiones transiens*, dicit, pos-
teriores *Causas*, de quibus egit iis non determinatis,
non habere locum, nisi in Foro interiori; ipsas tam-
en recenuerat inter justas accusationis Causas, qua-
ad Forum exterius duntaxat pertinet.

A a

Quod